

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-55662000

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

বাংলাদেশী সাংবাদিক যুক্তরাষ্ট্র পররাষ্ট্র দফতরের আন্তর্জাতিক নারী সাহসিকতার পুরস্কার পেয়েছেন

ঢাকা, ৫ই মার্চ, ২০১৫ -- নাদিয়া শারমিন, একাত্তর টেলিভিশন চ্যানেলের অপরাধ বিষয়ক সাংবাদিক এবং নারী অধিকারকর্মী আজ ৫ই মার্চ যুক্তরাষ্ট্র পররাষ্ট্র দফতরের আন্তর্জাতিক নারী সাহসিকতার (ইন্টারন্যাশনাল উইমেন অফ কারেজ অ্যাওয়ার্ড -- আইডব্লিউওসি) পুরস্কার পাচ্ছেন। ওয়াশিংটন ডি.সি.তে এক অনুষ্ঠানে এই পুরস্কার দেয়া হবে। আন্তর্জাতিক নারী দিবস উপলক্ষে “আইডব্লিউওসি” বিশ্বের সেইসব অসাধারণ নারীদের সাহসিকতার জন্য পুরস্কৃত করে থাকে যারা নিজ নিজ সমাজকে বদলাতে বিশেষ ভূমিকা রেখেছেন। শারমিন দ্বিতীয় বাংলাদেশী নারী হিসেবে এই সম্মানজনক স্বীকৃতি লাভ করছেন। সারা বিশ্বের আরো আটজন নেতৃস্থানীয় নারীর সাথে তাকে সম্মান জানানো হবে। শারমিন ও অন্যান্য পুরস্কার প্রাপ্ত নারীরা ফার্স্ট লেডি মিশেল ওবামা ও যুক্তরাষ্ট্র সরকারের বিশিষ্ট ব্যক্তিদের সাথে দেখা করবেন।

“আইডব্লিউওসি” পুরস্কার অনুষ্ঠানের পর শারমিন যুক্তরাষ্ট্র পররাষ্ট্র দফতরের বিভিন্ন কর্মসূচিতে অংশগ্রহণ করবেন। তিনি যুক্তরাষ্ট্রের নারী সাংবাদিক ও অন্যান্য ক্ষেত্রের সফল নারী নেতাদের সাথেও দেখা করবেন। নিউইয়র্কে জাতিসংঘের সদর দপ্তরে অনুষ্ঠিত হতে যাওয়া “৫৯তম কমিশন অফ দ্য স্ট্যাটাস অফ উইমেন” সম্মেলনে সারা বিশ্বের নারী অধিকারকর্মীদের সাথেও সাক্ষাৎ করবেন নাদিয়া শারমিন।

=====